

傷醫大全

瘍醫大全卷三十四

蕪湖顧世澄練江氏纂輯

諸瘡部

瘡錢之柏東陽
張雙用和全校

凡疔瘡楊梅結毒俱彙於此部中以便檢閱參治

疔瘡門主論

華元化曰疔有五色屬五臟紅屬心發於舌根青屬肝發於目下黃屬脾發於口唇白屬肺發於右鼻黑屬腎發於耳前以種類言之

孫真人千金方論疔瘡一十三種一曰麻子疔其狀肉起頭如黍米色稍黑四邊微赤多癢忌食蒜田中行

二曰石疔其狀皮肉相連色如黑豆甚硬刺之不入肉微痛忌食蒜田中行三曰雄疔其狀胞

起頭黑靨四畔仰胞將起有水出色黃大如錢孔形高者忌食房四曰雌疔其狀瘡稍黃向裏壓亦似

灸瘡四邊胞漿起心凹色赤如錢孔者忌食房五曰火疔其狀如湯火燒灼瘡頭黑靨四邊有煙漿又

如赤粟米者忌食房六曰爛疔其狀色稍黑有白斑瘡中潰有膿水流出血形大小如匙面者忌食房

七曰三十六疔其狀頭黑浮起形如黑豆四畔起赤色今日生一明日生二及至十若滿三十六藥

所不能治未滿三十六可治忌食房八曰蛇眼疔其狀瘡頭黑皮浮生形如小豆狀似蛇眼大體

硬忌食房九曰鹽膚疔其狀大如匙面四邊皆亦有黑粟粒起大忌食房十曰水洗疔其狀

大如錢形如錢孔頭白裏黑膿汁出中硬忌食房十一曰刀鐮疔其狀闊狹如薤菜大長一寸左

側肉黑如燒烙忌食房十二曰浮濕疔其狀瘡體圓曲少許不合長而狹如薤菜

大內黃外黑黑處刺之痛黃處刺之痛十三曰牛狗疔其狀肉色胞起搖不破已上疔瘡十三種

初起瘡心先癢後痛先寒後熱熱定則寒多四肢沉重心驚眼花若重者則嘔逆嘔逆則難治麻子
疔一種始終惟癢以上忌禁者不得觸犯如觸犯者發作難治惟浮濕牛狗二疔無所禁忌縱不醫
亦不害人其狀寒熱與諸疔不同故不殺人也凡疔起後背強瘡痛極甚不可忍者是觸犯禁忌以
此為辨

此條與外臺祕要神
萬全所論頗同

王肯堂曰疔之四圍有赤腫名曰護場為可治疔之四圍無赤腫名曰不護場不可治
證急者有應如生一疔之外別處肉上再生一小瘡即是有應可用針挑破護場瘡四圍有赤腫生
多瘡者謂之滿天星飲食如常頭痛身熱手足溫

陳實功曰疔瘡有朝發夕死隨發隨死誠外科證中迅速之病也凡治此證貴在平早如在頭面頭
乃諸陽之首亢陽熱極所致其形雖小其惡甚大再加艾灸火益其勢逼毒內攻反為倒陷走黃之
證作矣既作之後頭面耳項俱能發腫形如胖尸七惡頓起治雖有法百中難保一二不可不慎

又曰毒發於心經者生為火爛疔多生心臟之俞募井之端唇口手掌指節或手之小指初生一

點紅黃小泡抓破痛癢非常左右肢體麻木心煩發躁言語昏憤 又曰毒氣發於肝經者生為紫

燕疔多生手足腰脇筋骨之間或足大指初生便是紫泡次日破流血水三日後串爛筋骨疼痛苦

楚眼紅目暗指甲純青睡語驚惕 又曰毒氣發於脾經者生為黃鼓疔初生黃泡光亮明潤四面

紅色纏繞多生口角腮顴眼胞上下及太陽正面之處便作麻癢細急硬強重則惡心嘔吐煩渴乾

噦 又曰毒氣發於肺經者生為白刃疔多生手大指初生白泡頂硬根突破流脂水癢痛驟然易

腐易陷腮損咽焦毛聳肌熱咳吐膿痰鼻掀氣急 又曰毒氣發於腎經者生為黑靨疔多生耳竅

胸腹腰腎及足小指湧泉偏僻軟肉之間初生黑斑紫泡毒串皮膚漸攻肌肉頑硬如釘痛徹骨髓

重則手足青紫驚悸沉困軟陷孔深目睛透露 又曰紅絲疔起於手足節間初起形似小瘡漸發紅絲上攻手膊或攻大腿令人寒熱惡心嘔吐連者紅絲至心常能壞人急用針於紅絲盡處挑斷出血尋至疔上挑破插入蟾酥條膏蓋內服蟾酥丸發汗追出疔根得膿自愈 又曰唇下疔又名馬口疔 又曰手掌心疔又名擎珠疔 又曰患疔經五六日不瘥目中見火光心神昏昧口乾心煩嘔吐不定皆屬疔毒內陷均須速治

馮魯瞻曰疔者經曰膏梁之變蓋因膏梁之人皮厚肉密內多滯熱故變為疔然古方計有一十三種三十六疔之分總由臟腑積受熱毒邪氣搏於經絡以致血凝毒滯注於毛孔手足頭面各隨臟腑部位而發其形如粟米或痛或癢漸至遍身麻木頭眩寒熱時生嘔逆甚則四肢沉重心驚眼花經雖所載疔色有五以應五臟其實紫黑及黃泡者居多先癢後痛先寒後熱也宜內服發散解毒攻托之劑外敷拔毒菊葉蒼耳草之類大概疔已成膿則毒已外洩可無他慮惟在初起最宜謹慎疔毒攻心禍如反掌蓋疔由心火蘊結故其疼異常為害甚速病人口嚙生豈不覺豈醒者即是也若於耳後方圓一寸發者尤甚蓋水枯火熾之極也不可妄動如抓破見風毒即內攻不救

又曰紅絲疔者又名血絲疔發於兩手指而作紅絲漸漸行至關節勢必殺人可先以線紮住紅紋之處次將銀針佞去惡血以藥塗之上者血紅次者血紫下者血黑若一失治則稽留不散輕則爛傷墜指重則入腹而死 又曰內經以白疔發於右鼻赤疔發於舌根黃疔發於口唇黑疔發於耳門青疔發於目下蓋取五色以應五臟各有所屬部位更有發於或肩或背或腰或足發無定處如在手足頭面骨節間者最急其餘猶可緩也

李東垣曰疔上按之疼痛應心者是疔也秋冬寒毒久結皮膚中變作疔瘡不急治之日夜根長流

入諸脈數道如箭入身顫掉不已若不慎口味房室死不旋踵

精義

申斗垣曰夫疔瘡取治其法不一當先看其緩急如緩者一日瘡胞白色而小二日色白微大三日色微紫四日色真紫此候之緩也急者五日色青紫小六日色深青大緊七日色黑如火灸瘡之狀此最急之候假如身上生一瘡而他處又生一小瘡為之應候先用針挑破小瘡則泄其毒謂之可治若只有一疔他處無小瘡謂之無應候不可治疔無應候是毒氣之甚故不可治也大抵疔瘡四圍有紅赤焮腫者名曰有護場如疔瘡四圍不赤腫者即是不護場不可治也有護場方可治也疔之生者身熱頭疼手足溫煖飲食如常是常疔也疔之危者眼轉大渴而喘唇面青不進食五心腫無有脈四肢冷不起床不精神腹痛甚於常是有內疔也

啓玄

周文采曰凡療疔瘡皆宜刺瘡中心至痛處又刺四邊十餘下令血出去盡惡血敷藥藥力得入針孔中方佳若藥不達中藥力難達反致悞事又看口中頰邊舌上有赤黑如珠子者是疔也

集驗

養生篇曰人汗入肉食之則生疔瘡不可不慎

竇漢卿曰凡疔瘡針刺患人手足中指不痛者難治又曰如疔在頭面手足骨節間者甚急又

曰疔瘡頭陷碧綠色者不可用針刀出血又曰疔瘡日久潰爛者不可用針出血只可用刀割去

腐肉又曰疔瘡生根入腹者便死用磨針刀鐵漿水一碗絲綿濾淨銀窩內煎三四沸服之病者

須臾腸鳴行利一二次甦醒方妙又曰疔瘡不破則毒入腸胃惟蟬蛻極效用一兩為末蜜調下

又曰疔發於太陽眼邊者名曰釘腦疔十死一生又曰疔瘡膿水出孔如蜂窠病易瘥也又

曰凡人暴死多是疔毒急取燈通照其身若是小瘡即是其毒宜急灸之並服飛龍奪命丹等藥亦

有復甦者

全書

竇夢麟曰噤唇痘疔初生米大或粉刺擠破入湯火風氣即要變為疔瘡疔瘡即疔之別名也先用葱白同飛龍奪命丹五粒和嚼爛熟酒半碗送下以衣覆患上略出汗為妙上午服藥下午即將絕利磁鋒劃破瘡口十字即摻飛龍奪命末在內而外用蟾古研爛蟾肚底皮貼之內服追疔湯劑若發鬚髮者即剃去鬚髮如前法治之此法靜夜細思試而行之百發百中活人多矣焉敢自秘遂並梓行病人一月內無色慾者患處平安無贅肉乃其徵也 全書

陳遠公曰有生疔瘡者疼痛非常亦陽毒也初生之時人最難辨但以生黃豆令嚼之不知腥者便是其瘡頭必發黃泡中現紫黑之色細看泡中必有紅白一線通出泡外凡疔生足上紅線由足入臍疔生手上紅線由手走心如生唇面紅線由唇面至喉如見此紅線即於盡處以針刺出毒血則免毒攻心若現白絲不必刺也總以消毒瀉火為主世人戒用官料之藥此乃不知醫之語毒非藥安得除哉拔疔散治之紫花地丁甘菊花各一兩水煎服一劑紅線除二劑疔散三劑全愈不必外治挑疔之多事也若已潰爛加當歸二兩治之不必四劑毒盡肉生也 水鑑

胡公弼曰猪疔其形圓而小口內有油忌食猪油猪肉 牛疔其形圓而小口內無油泡起搗之不破有寒熱忌食牛肉 狗疔其形長而帶尖色赤有寒熱忌食狗肉 羊疔其形長而帶白色有寒

熱忌食羊肉 瓜藤疔不計其數其形圓長如瓜形因食瓜毒而生忌食諸瓜 豆腐疔其狀白泡

三日內頂陷因食豆腐內有人汗而生忌食豆腐 氣疔其形或大或小胞白如有氣在內因感恚

怒而生忌氣惱 鬼疔其形大小不一因中邪毒之氣而生異於諸疔比氣疔更甚令人言語如見

鬼狀 紅絲疔其形纏繞赤色如絲線周身纏繞宜松針刺去血忌熱物 內疔言其生於內臟腑

上腔子裏面喉內口內與外疔更不同利害宜托裏追疔 蘿蔔疔其形黑兼紫如水晶故名之胞

白黑血毒水宜去之宜托毒 楊梅疔形黑紫如薰梅狀若遍身楊梅瘡內雜疔瘡一二個則令通身瘡不起發須針刺出毒服托裏土茯苓等藥 魚臍疔如魚之肚臍多生臍膊肚小腿肚上乃手足陽明經分毒氣治宜加引經藥 蜈蚣疔形長如蜈蚣亦有頭足發寒熱因飲食中被蜈蚣遊走遺毒於內而生宜加雄黃

程山齡曰治疔之法貴在乎早初起即治者十全十活稍遲者十全五六失治者十全一二內服莫妙菊花與甘草湯項之以上三陽受毒必用針刺挑斷疔根插藥膏蓋項之以下三陰受毒即當艾灸灸之不痛亦須針刺插藥自效十法

疔瘡門主方

菊花甘草湯治疔之聖藥也 白菊花四錢 甘草四錢 水煎頓服渣再煎服

反唇疔掌珠疔 經霜南瓜蒂煨灰加水片少許研細麻油調搽

馬口疔生唇下者是 新鮮鯁魚血磨蟬酥塗之

拔疔法 巴莖去殼半粒 磁石研末 用葱涎和蜜為膏敷疔上

血疔出血不止者是 真麻油一鍾服下自止

蟾酥餅 兼治腦疽乳癰附骨疽腎癰一切惡症或不痛或大痛或麻木用此敷貼瘡頭 潮腦

硃砂各一錢 真蟾酥化酒 沒藥去油 乳香去油 明雄黃 巴豆霜銘二 輕粉五 麝香各一 以上各為細末於

五月五日午時在淨室中用蟾酥酒和丸如菜豆大每用一丸口涎調貼疔瘡上以膏蓋之此藥

為丸為條為餅聽便施用一方去巴豆霜潮腦加寒水石煨 枯礬膽礬各一錢蝸牛二十一個

惡疔大毒 金銀花 當歸身各五錢 天花粉 甘草 地丁各三錢 皂角針 錢川椒 酒煎服

疔毒惡瘡 家菊花並葉共搗汁用酒冲服將渣加鹽少許敷上立愈冬月用根亦可 又方紫梗

菊花搗碎白酒煎服 又方 鱖魚鱗荷花辦夾好置書頁中遇疔貼上即愈

大疔惡毒秘方 火硝 北煤係用過倒地上渣內檢出者各等分 研細末磁瓶收貯凡遇一切疔毒用陳窗糊紙

水濕掩疔上再以此藥敷之疔根自出

疔瘡神方 蒼耳草根葉搗爛入童子小便絞汁冷服一鍾日三次仍以根莖葉苗任取一束燒灰

存性為末用醋消藍散和如泥先將瘡中心及四邊刺破令血淌出拭淨敷之不過十次根即拔

出為諸方第一

飛龍奪命丹正 專治疔瘡及癰毒發背腦發乳癰一切無名腫毒惡瘡及有頭不知痛癢者已成

未成神效 蟾酥雄黃各三 乳香油去藥油 銅綠二 膽礬 硃砂 血竭 寒水石各一當

門子 冰片 輕粉各五 蝸牛二個 蜈蚣一條酒浸泡炙去頭足 右俱為極細末用蝸牛連殼研如泥少

加飛羅麵和丸如菜豆大每用三丸用葱白三個令病人嚼爛吐於男左女右手心將丸藥放在

葱內熱酒送下被蓋約人行五六里出汗為效無汗以熱酒助之重者再進一服病在上食後服

病在下食前服忌冷水瓜茄油膩豬雞魚麵及一切發物孕婦忌服

走馬回疔丹 疔瘡初起針破用此一粒插入孔內膏蓋之次後追出膿血疔根為效 硃砂 雄

黃錢各二 蟾酥酒化 礞砂 白丁香 輕粉各一 蜈蚣一條 金頂砒 麝香各五 乳香各 右為細末

糊和成粒如麥子大插瘡內以膏蓋之

鉛粉散 冷疔生於脚上初起紫白泡疼痛徹骨漸至腐爛深孔紫黑血水氣穢經久不瘥用此大

效 黑鉛此四兩鐵杓內化開傾入水中取起再化如錢 松脂 黃丹 飛輕粉各五 麝香各 共研細

先用葱湯洗淨麻油調搽瘡口油紙蓋好

束毒金箍散 疔瘡針刺之後瘀毒走散作腫宜此藥箍之 生大黃 鬱金碎肚 白芨 白薇

白芷各四兩 黃柏二兩 萊豆粉二兩 輕粉五錢 共為細末酸米漿調箍四邊夏熱甚用蜜水調

消疔簡便方 疔瘡及諸惡毒初起但未成膿者服之神效 白礬研三錢 葱白七莖 右二味同搗極

爛分作七塊每塊用熱酒一杯送下服畢用厚被蓋之再進葱湯一鍾少頃汗出如淋從容去其

覆物其病如脫此雖味澀難服其效甚妙凡居鄉村之處遇有此症不及延醫只傳此方服之活

人甚眾誠為良便方也

敷疔 銀硃紅棗七個煮爛 搗敷留頂

疔 甘松 三柰各五錢 雄黃研細 麝香分 酒水各半先煎甘松三柰煎好濾清調雄黃麝香服

紅絲疔 用銅錢捫起頭處將木上舊釘起一根用棉花包裹蘸桐油點著令油滴錢眼內一滴即愈

疔瘡 生葱和蜜搗敷患處過一飯時疔即拔出

保生挺子 疔瘡背疽瘰癧一切惡瘡 巴豆四十九粒文火炒研 硃砂二錢 輕粉半大 金腳信 雄黃錢二

麝香錢 為極細末用黃蠟五錢鎔開將藥合成挺子冷水浸少時取出旋丸捏作餅子如錢眼

大將瘡頭撥開安一餅子於頂上次用膏貼

蟾酥丹 蟾酥不拘多少黃丹白麵等分為丸如麥粒大針破疔瘡以一粒納之膏蓋

散疔膏 磁石乳細以葱頭十四根取汁入蜜少許調勻敷留一孔一敷即散妙不可言內服托裏藥

拔疔 蜣螂腹下有一點白者即心也先以針刺破疔頭再將針取出蜣螂心點疔頭上以膏蓋之

半日間血出根拔而愈忌羊肉

一切疔腫

孫真人

一色蒼耳草連梗葉燒灰以醋脚泥調搗乾即再搗重者十次愈

喫牛肉中毒生疔

金線重樓

即七葉一枝花

不拘多少切碎研細和澹雞屎調勻搗上立效

疔瘡怕動刀針

巴豆仁一粒

飯一粒研貼瘡上立時拔出疔根再尋癰瘡取肝貼上神效

諸疔 菊花葉搗汁服一碗死可回生

疔毒已篤者二服即愈

潘霞山

土蜂房具蛇蛇一條

黃泥固濟燒存性為末每空心好酒服一錢少

刻大痛痛止其瘡已化為黃水

爛頭疔

白梅

二個

大蛇蛭條

白菊花根把

共搗爛加透明雄黃同敷如乾再另敷一二遍無不愈者

紫馬疔

切不可食肉生白酒煎稀發草紫花地丁車前草服之

追疔奪命湯

玄珠

羌活

甘草節

蟬蛻

川黃連

獨活

北細辛

青皮 金銀花 防風

澤蘭葉

殭蠶

金線重樓

赤芍

各等

有膿加

何首烏

白芷

要通利加

大黃 牽

牛 青木香

山梔

毒在下加

木瓜

各等

每服五錢先將一貼加澤蘭葉金銀花各一兩

薑十片煎熱服汗出為度病退再加大黃二錢煎熱服取利一二次去餘毒為妙此方取效如神

百發百中若心煩嘔吐用甘草節萊豆粉各等分酸漿湯調下二錢如嘔逆惡心用乳香萊豆粉

各等分甘草湯調下二錢

小奪命散

治疔瘡及腦疽惡毒其效如神

槐花子

地丁

千頭子

即掃帚子又名地膚子各等分

水煎通

口溫服加真蟾酥少許尤妙

拔疔丹

一名疔毒撒回畢峻功

凡一切疔瘡無名腫毒初起磨敷已成已潰用一粒放瘡口上膿血即拔出

如遇陰疽對口大症可用十數粒鋪瘡上如神

巴豆霜

乳香

油去

沒藥油去

真蟾酥

酒化開

明雄

錢二樟冰 露蜂房陰陽瓦焙在性劈硃砂錢各一真輕粉 當門子各五 右各乳極細照分兩稱準和

勻以蟾酥膏和杵為丸如藥珠大晒乾磁瓶密貼任用此即蟾酥餅原方如露蜂房也

疥瘡丸馬驢功傳自盧成瑛傳專消一切疥瘡兼治濕痰流注梅瘡初起 巴荳仁去皮膜明雄 生大黃各錢

共研細末加飛麵醋打糊為丸如金鳳花子大每服二十三丸熱湯送下瀉三四次無妨弱

人只服十九丸自消得嚏即愈

鬚疔紅絲疔面白疔腫脹至目與鼻俱隱入肉裏牙關緊急 昔有一道人用患者耳垢齒垢刮手

足指甲屑和勻如豈大放茶匙內燈火上炙少許取作丸將銀簪將疔頭挑開抹入用棉紙一層

津濕覆之痛立止半日目可開腫已消半次日服活命飲二劑遂愈

血疔或生肘下或生眼角疔有一竅如針眼淌鮮血不止 真香油四兩無灰酒不拘多少和勻熱服

其血立止隨用野菊花濃煎常服切忌茶湯

萬靈奪命丹 治一切疔毒入腹煩悶惡心兼治癰疽發背惡瘡 硃砂水飛蟾酥以乳輕粉 膽礬

錢各五銅綠 血竭各一雄黃 枯礬各二 共為細末麵糊丸芡實大每服一丸令病人先將葱

白三寸嚼爛吐在手心將丸包在葱內熱湯吞下出汗

疔生磁石錢一麝香分一 研極細每用少許膏蓋 又方 胡椒五粒大獨蒜個葱白根 共搗爛

油紙上作膏貼之神驗

秘方 用鐵釘放屋上受風露之氣日久上鏽以刀刮下乳極細加麝香少許磁瓶密貼如遇疔瘡

已破者搽少許即流黑水不過三次疔根自出如未破者以水調點疔上即可拔疔如神

疔瘡不用刀針杜寶 草麻仁七粒銀硃分 共研細如乾加唾津少許疔頭讓出即週圍敷之兩三

次即出小黃頭矣

拔疔第一方徐峨

草麻仁四十九粒 杏仁七粒 去皮針松香二兩 荔枝肉三個 銀硃鈔 共搗成膏貼之

拔疔吳韻

荔枝肉一個 溏雞屎 菊花根葉不拘多少 共搗爛敷上立愈 又方 鱖魚鱗貼之

水疔門主論

凡人手足一時生出小瘡四圍紅赤中間一點漆烏堅硬如石痛不可忍者名曰水疔破後惟流血

水啓玄

水疔門主方

治水疔 土牛膝不拘多少搗爛入鹽少許和勻敷疔上半日即愈 又方 陳壁土 食鹽各一錢

雄黃分 共研細末津唾調敷疔上其疔自落

水疔 五月五日午時採稀蒼草搗細末酒調服三錢取汗 又方 荔枝肉一個貼疔上以生白

酒飲醉取汗為度

紅絲疔門主論

胡公弼曰紅絲疔一名急疔生於手足肘腕之間初起如黃豆大色似緋袍此疔根行如箭日夜行

一尺二寸狀如紅絲線一般皆因大喜大怒氣血逆行所致走入心腹令人悶亂不救凡遇此等急

症尋見紅絲之處即用神針針針斷其根針入四五分取去紫黑惡血急服追疔奪命丹隨飲浮萍酒

立愈無泥青囊

紅絲疔門主方

浮萍酒陸伯通 治紅絲疔一服即愈 浮萍不拘多少搗爛用好酒一觔或半觔煎滾沖浮萍內半

易醫大全 卷三十四 水疔 紅絲疔 楊梅瘡

時許通口服隨嚼浮萍草敷行上。

楊梅瘡

楊梅瘡門主論

陳實功曰楊梅瘡者又名時瘡俗名歹瘡因其形類楊梅耳總由濕熱邪火所化先從上部見之皮膚作癢筋骨不疼其形小而乾者是氣化傳染乃脾肺受毒毒在皮膚不曾傳裏為輕宜萬靈丹發汗自解先從下部見之筋骨多疼小水澀淋其形大而硬者是精化慾染乃肝腎受毒毒在骨髓未透肌膚為重宜九龍丹通利以瀉骨中之毒須內毒已解筋骨不疼瘡根淡白方可搽藥若求速效妄用藥薰擦必貽後患醫家病家均慎重之

宗証

馮魯瞻曰楊梅瘡者因形相似而名之也凡氣受之而得者堅實凸起又名棉花瘡若血受之而得者其形扁摺而潰又名菓子瘡皆類其像而俗呼之北方名曰天泡瘡雖名異而實同然治療須別凡自致者重傳染者輕自致者淫慾太妄以致陰處先見及縱口恣味三焦皆熱精竭血結遺滯諸經而成也傳染者中氣不足外染稍輕然患此者切不可用毒物發之亦不可用涼藥遏之並求速效須用煎藥解毒補益托散外用煎藥洗浴仍以膏藥搽貼拔毒出外方無後患

錦囊



申斗垣曰陰楊梅瘡與陽楊梅瘡大不相同陰楊梅瘡色紅而不起不破乃血中受風熱之毒又云男子受婦人梅瘡毒穢起相感而生婦又曰翻花楊梅瘡是表虛毒氣猖獗而成又曰楊梅豆子是毒氣之微感之輕也又曰楊梅癰是患瘡時食羊牛肉或洗浴當風抓癢有犯房慾致令渾身腥臭或乾而起白屑或腥水淋漓治當分氣血身之上下多少又曰楊梅瘡食猪腸臟致令愈後復生楊梅圈子瘡也

陳遠公曰有嫖妓戀爐酣戰覺馬口間如針刺痛此毒氣已過也未幾生魚口矣生疳瘡矣遍身生瘡矣黃膿汎濫臭腐不堪人以為毒盛多用敗毒之味不知日事敗毒而毒益盛瘡益多有腐爛而死者夫楊梅之毒中於泄精之時必元氣虧損故毒乘虛而入若元氣大旺毒難深入即有傳染不過輕微之毒可一瀉而痊遍身毒瘡乃大虛而毒深中也不補虛而瀉毒何能奏功乎若止服敗毒無異下石矣二生湯生黃耆土茯苓各三兩生甘草三錢水煎服四劑瘡漸紅又四劑乾燥又四劑全愈此方不去解毒只以黃耆補氣氣旺邪自難留得甘草之化毒土茯苓之引毒毒去而正氣無虧氣生而血又能養此治之巧無如人不知也可勝嘆息云辨證冰鑑

胡公弼曰楊梅瘡又名砂仁瘡其患皆因色慾過度染受穢污惡毒或先患下疳或先患橫痃然後始發此瘡此瘡將萌手掌心隱隱當見紅點治之者切不可苟圖財帛暗用輕粉等藥隱之梅瘡一

服輕粉如油入麵毒入筋骨而其能解也不但終身骨中疼痛結毒潰爛上至五官頭顱下至玉莖元首蟲蝕無存噫輕粉之為害可勝道哉患此瘡者亦不可畏人物議而求速效醫者當盡發其毒

使之外出務使永無遺患

無愧青囊

又曰有患楊梅瘡遍身獨有一二個形色紫黑如薰梅痛疼特甚

多令通身瘡不起發此乃楊梅疔也即如痘疔阻遏不能起發行漿無異須用針刺出血服托裏土茯苓等劑又曰楊梅漏初起似肉泡其人起薄皮層層揭去直揭至三四十層方能穿破宜服人

參耆苓湯毒未穿不用膏藥如已破貼梅漏膏待肉平去膏藥

將示吉曰總之楊梅瘡宜發不宜遏貴在除根莫求速愈得其旨矣

說約

廣筆記云有以水銀番礬搓擦五心醫楊梅瘡致令患者三日間古爛齒脫喉潰穢氣滿室吐出腐肉如猪肝色二便不通湯水不入腹脹幾死證已危急矣醫斯證者須以手按病人之腹不痛者知雖脹未堅毒未及心其毒尚淺速治可救法用鉛二觔分百餘塊加大劑甘桔湯料銀花甘草各四兩水三十碗煎濃汁先服三四碗徐澆舌上任其自流澆灌一個時辰其舌即可轉動口內可即漱淨隨令飲汁數盞將前渣再煎連前刺汁攪和一處頻頻洗濯手足次日二便出黑水無數始安然後用吹口藥及內服敗毒內托之劑而痊

澄曰楊梅瘡又名綿花瘡因其綿綿難絕也又名時瘡乃時氣乖變邪氣湊襲形如楊梅或上或下綿綿不絕皆由入房不淨淫火鬱結之毒若瘡毒傳染氣化者輕先入脾肺其瘡先見於上部皮膚作癢筋骨不疼其形小而乾毒在皮膚未經入裏治宜發散若淫女構精精化慾染者重流於肝腎先發下疳次生魚口先從下部見之漸至遍身大而且硬筋骨多疼小水澀淋此症最重因其毒氣內入骨髓外達皮毛若非汗下兼行將何以洗濯其臟腑乎若瘡發已久血氣已虛毒猶未退宜解毒托散為主總以醫至筋骨俱已不痛瘡根淡白內毒已散方用點藥輕者半年重者一載方可全愈若不遵此法欲其速愈妄用薰條擦藥呼吸等法往往致成後患者多矣

楊梅瘡門主方

首用第一煎方 全當歸 穿山甲 切碎 甘草節 沒藥 去油 柴胡 乳香 去油 天花粉 川貝母 皂

角刺 赤芍 各二錢 防風 連翹 肉桂 各二錢 金銀花 廣陳皮 各七錢 白芷 二錢 右各稱準

分作三劑每日一劑用黃酒一觔水一觔煎至一觔為度宜砂罐煎之溫服取汗二次水酒減半
照上溫服取汗戒口味不過三服即愈看何部位照後加味治之神效 頭上加 藁本 面上
加 升麻 白芷 頂上加 升麻 桔梗 羌活 腹加 白芷 柴胡 背加 皂角刺
胸加 瓜蒌 腰加 羌活 獨活 脇肘加 柴胡 青皮 臂上加 肉桂 羌活 耳後
加 升麻 柴胡 獨活 桔梗 四肢加 肉桂 金銀花 肩膊加 肉桂 升麻 腳底
加 肉桂 牛膝 瘡成加 肉桂 皂角刺以上引經藥各加一錢
煮棗神方秘家 何首烏半斤 天花粉 威靈仙 驚甲炙 金銀花 皂角刺 川草薢 白殭蠶 木
通 白芷 麻黃 蟬蛻 當歸 蒼朮 川芎各二兩 生大黃 生地各四兩 全蛇蛻兩 右藥用
水一斗磁鍋內煎至五六升去渣淨揀大黑棗五觔入汁再煎收至藥汁乾為度將棗曬乾不時
食數枚毒漸消口自收落靨而愈

消風敗毒散 歸尾 川芎 生地 赤芍 黃芩 乾葛 升麻銕一 川黃連 防風 黃柏

連翹各八分 羌活 金銀花 蟬蛻 甘草銕五 水煎二三劑熱服 初起必加大黃二錢芒硝

一錢五分通利惡物去淨後即勿用

廿四味風勝飲說約 毒發出時用 防風 荆芥 白芷稍 連翹 苦參 赤芍 黃連 地骨

皮 白鮮皮 黃芩 山梔子 歸尾 木瓜 金銀花 蟬蛻 薏苡仁 黃柏 殭蠶 五

加皮 甘草 白蒺藜 皂角刺各一兩 土茯苓白實者三觔 上部瘡多倍加川芎 下部瘡多倍加

木通 瘡痛加羌活獨活 體虛加人參茯苓去梔子分作五六十劑每日水煎二劑服 忌牛

肉燒酒豬肝腸鹽宜炒過食不炒恐生癰此方起死回生凡人甚眾

羊肉發藥說梅瘡初起皮膚燥癢上部多者 蟬蛻 川芎 當歸錢三 葳靈仙兩 麻黃錢春用七

五錢秋用九錢冬用二兩二錢 先用羊肉一觔水十碗煎七碗去羊肉入前藥於汁內煎至三碗去渣一日內

早午晚分三次服完用羊肉好酒過口喫盡被蓋取汗或吐或瀉三四次以粥補住內毒日解外

毒自發忌牛狗鵝雞火酒茶醋等物每早食仙棗三枚如病人不能飲酒或虛極者服臙子湯

仙棗方 大黑棗二十一枚去核入胡粉三分逐個用線繫緊放小砂罐略放水煮熟露一宿空心

喫三枚冷茶送下

臙子湯說楊梅人虛氣弱不能汗下用此解毒托散方能送毒外出 薏苡米 川芎 金銀花

牛膝 木通 胡黃連 當歸 川黃連 防風錢 甘草六 白殭蠶炒 土茯苓二觔 米泔浸

大勿犯鐵器并花水洗淨 肥皂子七粒打去黑皮 陳酒河水各二碗煎一半入前藥併臙子一副去油淨同煎一碗

空心服取汗忌口如前虛弱甚者加人參

豬肉茯苓湯說梅毒下身先見遂及遍身骨節酸疼二便澀滯 牛膝 蒼耳子 甘草 全當

歸 蛤粉 金銀花 紅花 天花粉 皂角刺錢 蟬蛻二個 土茯苓洗淨木槌打碎 精豬肉各四兩 穿

山甲土炒研一片 大黃用五錢自利者不用 生白酒三碗煎一半空心服猪肉過口大便利三

四次後以粥補住

仙遺糧湯說土茯苓柳山遺糧洗淨 皂莢子五個切 當歸 白鮮皮 川芎 薏苡仁 木通

葳靈仙 防風 金銀花 木瓜 茅蒼朮錢各一 甘草五 人參虛者久氣分 水二碗煎八分看病

上下食前後服腿脚之下加牛膝一錢病淺者一月可退病深者百日可痊此瘡欲發先發下疳

預服此方能免發瘡也此治梅瘡初起筋骨疼痛數月延綿不已並治楊梅風毒誤服輕粉癰瘻